

[➔ Gå til opprinnelig kunngjort versjon](#)

## Forskrift om godtgjering og velferdsgodar til folkevalde, Modalen kommune, Vestland

|                |                                                                                                 |
|----------------|-------------------------------------------------------------------------------------------------|
| Dato           | FOR-2020-04-16-841                                                                              |
| Ikrafttredelse | 16.04.2020                                                                                      |
| Gjelder for    | Modalen kommune, Vestland                                                                       |
| Hjemmel        | LOV-2018-06-22-83-§8-3, LOV-2018-06-22-83-§8-4, LOV-2018-06-22-83-§8-6, LOV-2018-06-22-83-§8-10 |
| Kunngjort      | 24.04.2020 kl. 15.15                                                                            |
| Korttittel     | Forskrift om godtgjering og velferdsgodar til folkevalde, Modalen                               |

**Heimel:** Fastsett av Modalen kommunestyre 16. april 2020 med heimel i lov 22. juni 2018 nr. 83 om kommuner og fylkeskommuner (kommuneloven) § 8-3, § 8-4, § 8-6 og § 8-10.

### § 1. Føremål

Forskrifta skal leggje til rette for brei rekruttering til kommunale tillitsvern gjennom økonomiske ordningar som gjer det mogleg for alle å ta del i lokalpolitikken.

### § 2. Rett til dekking av utgifter og økonomisk tap

Den som har tillitsvern i Modalen kommune har krav på

- skyss-, kost- og overnattingsgodtgjering for reiser i samband med vervet
- dekking av utgifter som følgje av vervet, også utgifter til andre for å utføre naudsynte arbeidsoppgåver, barnepass og andre omsorgsoppgåver ein i samband med utføring av vervet ikkje sjølv kan utføre
- erstatning for tapt inntekt som følgje av vervet.

Krav etter første ledd skal setjast fram for rådmannen v/kundetorget så snart som mogleg og seinast innan 6 månadar etter at kravet oppstod. Kravet skal dokumenterast. Krav etter første ledd bokstav b eller c som ikkje kan dokumenterast, vert likevel dekkja dersom utgiftene eller tapet er sannsynleggjort på anna vis.

### § 3. Utmåling av utgifter og økonomisk tap

Godtgjering for skyss, kost og overnatting etter § 2 første ledd bokstav a vert gjeve for reiser i tråd med staten sitt reiseregulativ.

Utgifter etter § 2 første ledd bokstav b vert dekkja i tråd med dei til ei kvar tid gjeldande satsar i Modalen kommune.

Tapt inntekt etter § 2 første ledd bokstav c vert dekkja i tråd med dei til ei kvar tid gjeldande satsar i Modalen kommune. Det vert ikkje gjeve erstatning for tapt arbeidsforteneste for møte som startar etter kl. 16.00 med mindre tapet kan dokumenterast.

Gjeldande satsar:

| <b>Område</b>                                                                                                                                                                                                                                      | <b>Godtgjering i kroner eller % per 1. januar 2020.<br/>Kronesum vert indeksregulert kvar 1. januar.</b>                                   |
|----------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------|
| Dokumentert arbeidsinntekt<br>Stadfesting av trekk i løn, feriepengar og ev. pensjonsyttingar må dokumenterast.<br>Sjølvstendig næringsdrivande skal gje opp føretaksnummer, og sannsynleggjere tapet t.d. ved å nytte skattemelding for siste år. | Det vert gjeve vederlag inntil kr 3336,- per dag.                                                                                          |
| Udokumentert tapt arbeidsinntekt                                                                                                                                                                                                                   | Vederlag vert gjeve med kr 1668,- per dag.<br>Møte inkludert reisetid som varer mindre enn 3 timar vert godtgjort med halvparten av dette. |
| Tilsyn med barn                                                                                                                                                                                                                                    | Inntil kr 834,- per dag                                                                                                                    |
| Stell og tilsyn med sjuke og eldre                                                                                                                                                                                                                 | Inntil kr 834,- per dag                                                                                                                    |
| Naudsynt transport for vikar                                                                                                                                                                                                                       | Inntil kr 834,- per dag                                                                                                                    |
| Telefongodtgjersle til ordførar                                                                                                                                                                                                                    | Modalen kommune dekkjer alle kostnader ved oppretting og bruk av abonnement.                                                               |
| Telefongodtgjersle til kommunestyremedlemmar                                                                                                                                                                                                       | kr 556,- per år                                                                                                                            |
| Telefongodtgjersle til leiarar i kommunale utval, råd og nemnder                                                                                                                                                                                   | Inntil kr 556,- per år. Dette må dokumenterast.                                                                                            |
| PC-godtgjersle til kommunestyremedlemmar                                                                                                                                                                                                           | kr 1000,- per år.                                                                                                                          |

Alle krav skal leverast rådmannen v/kundetorget for kontroll og utbetaling.

#### § 4. Arbeidsgodtgjering

Den som har eit kommunalt tillitsverv har krav på godtgjering for sitt arbeid etter følgjande satsar:

| <b>Tillitsverv</b>                                                                                                                                            | <b>Godtgjering i kroner eller % per 1. januar 2020.<br/>Kronesum vert indeksregulert kvar 1. januar.</b> |
|---------------------------------------------------------------------------------------------------------------------------------------------------------------|----------------------------------------------------------------------------------------------------------|
| a. Kommunestyremedlemmar<br>Synfaring vert rekna som møte. Det vert ikkje gjeve godtgjersle for gruppemøte, fraksjonsmøte eller andre møter i partia/listene. | kr 890,- per møte                                                                                        |
| b. Formannskapsmedlemmar<br>Dette skal dekkje møtegodtgjersle i kommunestyre, formannskap og næringsfondstyre                                                 | 4 % av ordføraren si godtgjersle                                                                         |
| c. Leiarar av møter                                                                                                                                           | kr 1250,- per møte                                                                                       |
| d. Varaordførar                                                                                                                                               | 7 % av ordføraren si godtgjersle                                                                         |

Det vert ikkje gjeve møtegodtgjering etter første ledd ved deltaking på seminar e.l.

Fast årleg godtgjering etter første ledd vert redusert med 25 % ved deltaking i mindre enn 1/3 av tal avvikla møter i løpet av kalendaråret.

Varamedlem som tek del i minst 1/3 av møta i løpet av eit kalendarår, har rett til godtgjersle tilsvarande så stor del av den faste godtgjersla som dette utgjør.

Arbeidstakarrepresentantar i kommunale organ får ikkje møtegodtgjersle.

Tilsette som tek del i kraft av si stilling får ikkje møtegodtgjersle.

Det vert berre utbetalt ei møtegodtgjersle når fleire møter vert avvikla etter kvarandre.

Vararepresentantar som møter pga. ugildskap e.l. skal ha ½ møtegodtgjersle dersom opphaldet i møtelokalet varer i mindre enn 1 time. Utover 1 time skal det utbetalast full møtegodtgjersle.

## **§ 5. Godtgjering ved frikjøp**

Folkevalde som vert frikjøpt frå ordinært arbeid, mottek ei fast godtgjering i staden for dekking av tapt inntekt etter § 4 og arbeidsgodtgjering etter § 5.

Ordføraren vert frikjøpt i 100 % stilling. Ordførar si godtgjering vert fastsatt til 75 % av godtgjersle til stortingsrepresentant. Ordføraren har rett til sjukepengar og skal meldast inn i kommunen si pensjonsordning. Godtgjersla omfattar alle verv og oppgåver ordføraren har, inkl. skyssgodtgjersle frå heim til arbeidsplass på Mo.

Dersom varaordføraren fungerer som ordførar i meir enn 2 veker samanhengande skal det utbetalast ordførargodtgjersle for heile perioden.

## **§ 6. Ettergodtgjering**

Folkevalde som har tillitsverv som sitt hovudvirke, har etter søknad rett til ettergodtgjering i 1 månad når dei fråtrer frå vervet. Dersom ordføraren ikkje har stilling å gå attende til vert det etter søknad gjeve inntil 3 månaders ettergodtgjersle.

Søknad om ettergodtgjering vert avgjort av rådmannen.

Retten til ettergodtgjering vert avkorta mot annan inntekt etter reglane i kommunelova § 8-6 andre og tredje ledd.

## **§ 7. Pensjonsordning**

Folkevalde som har følgande tillitsverv, har rett til permisjon i tråd med kommunen si pensjonsordning for folkevalde: ordførar.

## **§ 8. Rett til sjukepengar**

Folkevalde som har eit tillitsverv som sitt hovudvirke, har same krav på sjukepengar som tilsette i kommunen.

Kommunen skal betale sjukepengar tilsvarande full godtgjering i arbeidsgjevarperioden frå den første til den sekstande dagen, jf. folketrygdlova § 8-19.

Har den folkevalde krav på godtgjering utover seks gonger grunnbeløpet, jf. folketrygdlova § 8-10 andre ledd, skal kommunen betale skilnaden mellom det den folkevalde har krav på å få utbetalt i sjukepengar frå folketrygda og det den folkevalde ville fått i godtgjering i den same perioden.

## **§ 9. Rettar ved yrkesskade**

Folkevalde som har tillitsverk som sitt hovudvirke, skal meldast inn i kommunen si yrkesskedeforsikring og ev. andre tillegggsforsikringar som gjev tilsette i kommunen rett til ytingar ved yrkesskade.

## **§ 10. *Permisjonar***

Folkevalde som har eit tillitsverk som sitt hovudvirke, har etter søknad rett til permisjon i samsvar med arbeidsmiljølova § 12-1 til § 12-10, § 12-12 og § 12-15.

Søknad om permisjon vert avgjort av rådmannen.

Under permisjonen beheld den folkevalde godtgjeringa i inntil to veker, med mindre han eller ho gjev avkall på den. Under svangerskapspermisjon, omsorgspermisjon, fødselspermisjon, foreldrepermisjon og ved barn og barnepassar sin sjukdom har den folkevalde rett til å behalde godtgjeringa etter same reglar som gjeld for tilsvarande permisjonar for tilsette i kommunen.

## **§ 11. *Ikrafttreding***

Forskrifta trer i kraft straks.